



Broj: 01/14-11-2989-5/23
Sarajevo, 04.07.2023. godine

Na osnovu člana. 70. stav (1) Zakona o javnim nabavkama BiH ("Službeni glasnik BiH", br. 39/14 i 59/22), a u vezi sa članom 79. Statuta Grada Sarajeva ("Službene novine Kantona Sarajevo", broj 07/23), gradonačelnica Grada Sarajeva, donosi

O D L U K U
o izboru najpovoljnijeg ponuđača putem Otvorenog postupka

I

Prihvata se ponuda ponuđača „Ventura Travel Agency“ d.o.o. Travnik, Donja čaršija br. 1A, 72270 Travnik, za pružanje usluga - „**Nabavka avionskih karata za službena putovanja čelnika Grada Sarajeva i uposlenih u Gradskoj upravi**“ u postupku provođenja javne nabavke putem Otvorenog postupka.

II

Sa ponuđačem „Ventura Travel Agency“ d.o.o. Travnik, Donja čaršija br. 1A, 72270 Travnik, zaključit će se Okvirni sporazum o pružanju usluga iz tačke I ove odluke.

III

Ova odluka stupa na snagu danom donošenja.

Obrazloženje:

Odlukom broj: 01/14-11-2989-3/23 od 18.05.2023. godine pokrenut je postupak javne nabavke za pružanje usluga - „**Nabavka avionskih karata za službena putovanja čelnika Grada Sarajeva i uposlenih u Gradskoj upravi**“ putem Otvorenog postupka.

Obavještenje o nabavci objavljeno je na portalu Agencije za javne nabavke broj: 1278-1-2-96-3-46/23 dana 19.05.2023. godine. Sa portala Agencije za javne nabavke tendersku dokumentaciju je preuzelo 5 ponuđača, a sažetak obavještenja o nabavci objavljen je u Službenom glasniku BiH broj: 38/23 od 26.05.2023. godine.

U određenom roku za dostavljanje ponuda na protokol ugovornog organa zaprimljene su dvije ponude i to: Centrotrans d.d. Sarajevo, Kurta Schorka br. 14. 71000 Sarajevo i „Ventura Travel Agency“ d.o.o. Travnik, Donja čaršija br. 1A, 72270 Travnik.

Komisija za javnu nabavku imenovana Rješenjem Gradonačelnice broj: 01/14-04-2107/23 od 16.02.2023. godine, na sastanku održanom dana 12.06.2023. godine pristupila je otvaranju zaprimljenih ponuda.

Nakon otvaranja ponuda izvršena je detaljna analiza prispjelih, gdje je utvrđeno da su dostavljene ponude prihvatljive za ugovorni organ.

Komisija je utvrdila cijene prihvatljivih ponuda za agencijsku naknadu u skladu sa okvirnim količinama koje su navedene u Obrascu za cijenu ponude i to kako slijedi:



	Broj protokola	Ponudáč	Datum i sat prijema	Ukupna cijena Ponude bez PDV-a	Ponuđeni popust	Ukupna cijena Ponude sa popustom sa PDV-om
1.	14-11-4745/23	Centrotrans d.d. Sarajevo, Kurta Schorka br. 14. 71000 Sarajevo	09.06.2023.	2.500,00	-	2.925,00
2.	14-11-4760/23	Ventura Travel Agency d.o.o. Travnik, Donja čaršija br. 1A, 72270 Travnik	12.06.2023.	2.500,00	-	2.925,00

Obavještenjem o nabavci kao i tenderskom dokumentacijom u ovom postupku javne nabavke, ugovorni organ je predvidio provođenje e-aukcije putem portala Agencije za javnu nabavku za ponuđače koji su dostavili prihvatljive ponude, odnosno ponude u skladu sa tenderskom dokumentacijom.

Nakon provedene **e-aukcije** te dostavljenog Izvještaja o toku i završetku **e-aukcije** od strane Agencije za javnu nabavku, utvrđena je konačna rang lista ponuđača koji su učestvovali na e-aukciji i to kako slijedi:

R. broj	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	Ventura Travel Agency d.o.o.	4236560270001	0,01	100%	1.
2.	Centrotrans d.d. Sarajevo	4200153220003	500,00	80%	2.

Komisija za provođenje postupka javne nabavke: **“Nabavka avionskih karata za službena putovanja čelnika Grada Sarajeva i uposlenih u Gradskoj upravi”**, nakon provedenog postupka e-aukcije, zatražila je pojašnjenje neprirodno niske ponuđene cijene od ponuđača “Ventura Travel Agency” d.o.o. Travnik, Donja čaršija br. 1A, 72270 Travnik, dana 16.06.2023. godine.

U određenom roku, ponuđač “Ventura Travel Agency” d.o.o. Travnik, Donja čaršija br. 1A, 72270 Travnik je dostavio pojašnjenje neprirodno niske ponuđene cijene u kojem je naveo da trenutna situacija sa provođenjem postupaka javnih nabavki za prodaju avio karata je dovela do toga da ponuđači u stalnoj “borbi” za ugovore nude najniže cijene te su i sami ponudili takvu, a još jedan od razloga zbog kojeg su ponudili tu cijenu po kojoj bi praktično pružali usluge bez naknade ili sa istom minimalnom, jeste status agencije kod avio kompanija, jer povećanim prometom odnosno kupovinom avio karata dobijaju bolji status i bolje cijene, što je za svaku turističku agenciju za prodaju individualnih karata i grupnih aranžmana od velikog značaja.

Takođe, za učestvovanje u postupcima javnih nabavki za ubuduće neophodne su im potvrde o uredno izvršenim ugovorima, pošto se često zahtijeva da je ponuđač ostvario određeni promet prodajom avio karata u prethodnom periodu.

Isto tako su naveli da ponuđena cijena neće uticati na kvalitet njihovih usluga, a prema uslovima navedenim u tenderskoj dokumentaciji predmetnog postupka.

Komisija za javnu nabavku je prihvatila pojašnjenje neprirodno niske ponuđene cijene obzirom da je obrazloženje dato po pitanju ekonomičnosti pružanja usluga, što je i bio zahtjev od strane ugovornog organa, koji je u svrhu pravilne primjene Zakona o javnim nabavkama uputio i upit Agenciji za javne nabavke dana 16.06.2023. godine, te dobio odgovor kako je odluka na ugovornom organu da li, da prihvati ili ne, ponuđenu cijenu agencijske naknade.

Prema kriteriju najniža cijena, najpovoljniju ponudu dostavio je ponuđač "Ventura Travel Agency" d.o.o. Travnik, Donja čaršija br. 1A, 72270 Travnik, sa ponuđenom cijenom od 0,01 KM bez PDV-a.

Imajući u vidu naprijed navedeno, Komisija za javnu nabavku sačinila je zapisnik o pregledu i ocjeni ponuda od 03.07.2023. godine, te na osnovu kriterija najniža cijena dala preporuku Gradonačelnici da se Okvirni sporazum "**Nabavka avionskih karata za službena putovanja čelnika Grada Sarajeva i uposlenih u Gradskoj upravi**" dodijeli ponuđaču „Ventura Travel Agency“ d.o.o. Travnik, Donja čaršija br. 1A, 72270 Travnik koji je dostavio najnižu ponuđenu cijenu za agencijsku naknadu, za okvirne količine koje su navedene u Obrascu za cijenu ponude u iznosu od 0,01 KM bez PDV-a.

Vrijednost Okvirnog sporazuma za period od dvije godine iznosi 40.000,00 KM bez PDV-a.

Usluge će se pružati sukcesivno u zavisnosti od potreba ugovornog organa, s tim da ukupna vrijednost pruženih usluga za ugovoreni period ne može preći vrijednost Okvirnog sporazuma.

Izabrani ponuđač je u obavezi da ugovornom organu dostavi u roku od 5 (pet) dana, od dana obavještenja da je izabran kao najpovoljniji ponuđač, ostalu dokumentaciju koja je propisana tenderskom dokumentacijom.

U postupku donošenja odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu prispjelih ponuda u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Prihvatajući preporuku Komisije gradonačelnica Grada Sarajeva je donijela ovu odluku.

POUKA O PRAVNOM LIJEKU:

Ponuđači koji su učestvovali u postupku javne nabavke mogu radi zaštite svojih prava i pravnih interesa u roku od deset (10) dana od prijema obavijesti (odluke) o izboru najpovoljnijeg ponuđača izjaviti žalbu URŽ-u putem ugovornog organa u dovoljnom broju primjeraka.

GRADONAČELNICA
Doc. dr. Benamina Karić

DOSTAVITI:

- Ponuđačima
- a/a

Za zakonitost odgovaraju:

Stručna obrada: Nermina Šehović-Sulimanovski,

Šef Odjeljenja za javne nabavke: Suada Kovačević,

Rukovodilac Stručne službe za poslove kabineta i poslove Gradske uprave po ovlaštenju: Dženana Šarčević,